

立永杜賣契字人斗六廳沙連堡牛輻轆庄陳金龍有承祖母舅公傳嗣應得陳
環仔 結朱 清山

基業一處址在社寮後埔仔庄北世洋東至牛路西至橫溝南至中岸片北至溝四至明
白爲界今因乏銀費用願將此基業出賣先盡問於房親人等俱不欲承受外托中引就
向與後埔仔庄張拱照出首承買三面言議定價銀五拾四大員平重叁拾柒兩捌錢正
即日全中見交收足訖其基業隨即踏明界址盡交付與業主前去掌管起耕招佃收租
納課永爲己業自此一賣千休根株永斷日後子孫不敢異言生端亦不敢找贖之理保
此業金龍傳嗣應得以別房親人等無干亦無重張典掛他人財物及上手來歷不明交
加等情賣主抵當不干銀主之事此係二比甘愿各無反悔口恐無憑全立盡根契字一
紙付執爲炤

即日全中見交收過契面銀五拾四大員正完足再炤

代筆人莊先齊 (花押)

爲中人陳進成 (花押)

明治叁拾八年十月

日全立盡根契字人陳金龍 (花押)

